

ՀՀ Արմավիրի մարզի Արևիկի գյուղական  
համայնքի ղեկավար՝ Կ. Պետրոսյանի  
2011թ. 1-ին կիսամյակի կատարած աշխատանքների

Հաշվետվությունը

13.07.2011թ.

Հայաստանի Հանրապետության Արմավիրի մարզի Արևիկի գյուղական համայնքի ղեկավարը ղեկավարվելով Հայաստանի Հանրապետության Սահմանադրությամբ, նրանցից բխող օրենսդրական և ենթօրենսդրական ակտերով, «Տեղական ինքնակառավարման մասին», «Իրավական ակտերի մասին», ՀՀ օրենքով, համայնքի ղեկավարի աշխատակազմի, ավագանու և գյուղապետարանի ենթակայության տակ գտնվող հիմնարկների աշխատակիցների միջոցով իրականացրել է իրեն վերապահված իրավասությունների շրջանակներում՝ իր լիազորությունները:

2011թ. գյուղապետարանի աշխատանքային ծրագրի հիմքում դրված են եղել գյուղի սոցիալ-տնտեսական զարգացման գերակա ուղղությունները:

Հիմնական նպատակը՝ համայնքի բնակչության կենսամակարդակի բարձրացումն է, որին հասնելու ճանապարհին սահմանվել են կարևորագույն սոցիալ - տնտեսական խնդիրները, որոնք էլ անհրաժեշտություն է եղել լուծելու 2011թ. 1-ին կիսամյակի ընթացքում: Այդ խնդիրների լուծման համար կարևորագույն պայման է հանդիսացել Արմավիրի մարզպետի և մարզպետարանի աշխատակազմի ամենօրյա հոգատար վերաբերմունքը և համայնքի խնդիրների լուծմանն աջակից լինելու պատրաստակամությունը, որի արդյունքում արձանագրվել է որոշակի հաջողություններ, որոնք ըստ բնագավառների ներկայացնում են Ձեզ:

ԳՅՈՒՂԱՏՆՏԵՍՈՒԹՅԱՆ ԵՎ ԲՆԱՊԱՀՊԱՆՈՒԹՅԱՆ  
ԲՆԱԳԱՎԱՌ

Գյուղապետը աջակցում է համայնքի բնակչությանը գյուղատնտեսական աշխատանքների իրականացմանը, ինչպես նաև գյուղ . մթերքների իրացմանը:

Հետևողական աշխատանք է տարվում ոռոգման ջրի մատակարարման, ինչպես նաև գումարների գանձման ուղղությամբ:

Գյուղն ունի իր առանձնահատկությունները:

Հիմնականում զբաղվում են խաղողագործությամբ, ինչպես նաև բանջար-բոստանային կուլտուրաների մշակությամբ:

Տարեց-տարի փոխվում է մշակովի հողատարածքների կառուցվածքը՝ կրճատվել են հացահատիկային մշակաբույսերի ցանքատարածությունները, ավելացել են խաղողի, պտղի և բանջար-բոստանային կուլտուրաների տեսակարար կշիռը, որն էապես շահութաբեր է:

Առատ և սիստեմատիկ տեղումների հետևանքով հնարավոր չեղավ ժամանակին կատարել գարնանացանը սածիլման աշխատանքները ինչպես նաև հունիսի 5-ին տեղացած կարկտահարության և պտտահողմի հետևանքով գյուղացիական տնտեսություններում մշակվող բոստանակներին և բազմամյա տնկարքներին պատճառվեց մեծ վնաս, որն իր բացասական ազդեցությունը թողեց բերքի ստացման վրա, որի հետևանքով էլ հնարավոր չէ կատարել հարկերի հավաքագրման աշխատանքները:

2011թ. հունիսի 1-ի դրությամբ կատարվել է գյուղատնտեսական կուլտուրաների բերքի տակ կատարված ցանքերի հաշվառում, որը ներկայացվել է Արմավիրի վիճակագրական ծառայություն:

Պատկերը հետևյալն է՝

Աշնանացան հացահատիկ 115 հա

Բոստանային կուլտուրաներ 101 հա

Բանջարանոցային մշակաբույսեր 69 հա

Առվույտ 34 հա

Բազմամյա տնկարքներ ընդամենը՝ 80.5 հա,

այդ թվում՝ պտղատու այգի 28.8 հա,



խաղողի այգի 51.4 հա:

Ուշադրության կենտրոնում է պահվում գյուղատնտեսական մշակաբույսերի վնասատուների դեմ պայքարի աշխատանքները:

Անմիջական հսկողություն է իրականացվում անասնաբուժական ծառայության գործում՝ ժամանակին կատարվում է բոլոր տեսակի հակահամաճարակային միջոցառումները կենդանիների հիվանդությունների կանխարգելման ուղղությամբ: Կենդանիների շրջանում չի հայտնաբերվել ոչ մի տեսակի հիվանդություն:

Հետևողական և սիստեմատիկ հսկողություն է սահմանվում հանձնաժողովի կողմից առևտրի, հասարակական սննդի և կենցաղային ծառայությունների ոլորտում գործող օբյեկտների գործունեության վրա: Ներկայումս համայնքում գործում է 7 առևտրի և 2 կենցաղային ծառայության օբյեկտ:

### ՀՈՂԱՇԻՆՈՒԹՅԱՆ և ՀՈՂՕԳՏԱԳՈՐԾՄԱՆ ԲՆԱԳԱՎԱՆ

Ամենօրյա ուշադրության կենտրոնում է գտնվում և օրենքով սահմանված կարգով վերահսկողություն է իրականացվում հողերի նպատակային օգտագործման, ինչպես նաև ապօրինի ընդերք-օգտագործման վրա:

Սիստեմատիկ տեղեկատվություն է ներկայացվում անշարժ գույքի կադաստրի տարածքային ստորաբաժանում՝ սեփականության իրավունքի գրանցման վկայականներում ճշգրտումներ կատարելու վերաբերյալ: Աշխատանքները շարունակական են:

Ամենօրյա աշխատանք է տարվում հողօգտագործողների հետ հողի հարկի, գույքահարկի գծով զոյացած ապառքների հավաքագրման գործում: Բնակիչներին տեղեկացվում և ծանուցվում է «Հողի հարկի արտոնություններ տրամադրելու մասին» ՀՀ օրենքի պահանջները:

Իրականացվում է գույքահարկի բազայում ճշգրտման աշխատանքները, որը շարունակական է:

Հուլիսի 1-ի դրությամբ կազմվել է համայնքի վարչական սահմաններում գտնվող հողերի հաշվեկշիռը:

Պատկերը հետևյալն է՝

Ընդամենը հողեր 1142.17 հա, այդ թվում

Գյուղ նշանակության հողեր 756.7 հա

Բնակավայրի նշանակության 261.61 հա

Արդյունաբերական 7.08 հա

Էներգետիկա, կապ 13.05 հա

Հատուկ պահպանվող 6.24 հա

Ջրային տարածք 97.49 հա

Ելնելով գյուղի առանձնահատկությունից՝ կապված գյուղ – մթերքների՝ հատկապես խաղողի արտադրման հետ, համայնքում կատարվող սոցիալ – տնտեսական աշխատանքները հիմնականում պլանավորվում է կատարել 2-րդ կիսամյակում:

### ՔԱՂԱՔԱՇԻՆՈՒԹՅԱՆ ԵՎ ԿՈՍՄԻՆԱԼ ՏՆՏԵՍՈՒԹՅԱՆ ԲՆԱԳԱՎԱՆ

Կառավարության սահմանած կարգով վերահսկողություն է իրականացվում համայնքի քաղաքաշինական գործունեության նկատմամբ:

Խստագույնս արգելվում է առանց համապատասխան շինարարության թույլտվության որևէ շինարարական գործունեության իրականացում: Սահմանված կարգով տրվում է շինարարության և քանդման թույլտվություն;

2011թ. առաջի կիսամյակի ընթացքում քաղաքացիների հայտերի և դիմումների հիման վրա տրվել է 2 ճարտարապետահատակագծային առաջադրանք, 2 շին. թույլտվություն և 1 ավարտական ակտ:

Քաղաքացիների դիմումների հիման վրա կատարվել է հողամասերի չափագրման և



սահմանների ճշգրտման աշխատանքներ, տրվել են ճշտված իրավիճակային հատակագծեր:  
Միտենմատիկաբար կատարվում է խմելաջրի ջրագծերի վթարների հայտնաբերման և վերացման աշխատանքներ:

Սահմանվում է հսկողություն խմելաջրի որակի, ինչպես նաև վարակազերծման նկատմամբ:

Միտենմատիկաբար կատարվում է աղբահանություն, այդ նպատակով հատկացված է տրանսպորտ, աղբը լցվում է հատկացված վայրում:

Շարունակվում է գազաֆիկացման աշխատանքները:

ՄՇԱԿՈՒՅԹԻ ԵՎ ԵՐԻՏԱՍԱՐԴՈՒԹՅԱՆ, ԿՐԹՈՒԹՅԱՆ,  
ԱՌՈՂՋԱՊԱՀՈՒԹՅԱՆ, ՍՊՈՐՏԻ, ՍՈՑԻԱԼԱԿԱՆ  
ԾԱՌԱՅՈՒԹՅԱՆ ԲՆԱԳԱՎԱՌ

Համայնքում գործում է 1 միջնակարգ և 1 երաժշտական դպրոց:

Մշակերտների թիվը՝ 372:

Աշխատողների թիվը՝ 49-ը, որից՝ ուսուցիչներ՝ 39:

Գյուղապետարանի ուշադրության կենտրոնում է դպրոցը: Կրթության որակը գտնվում է բարձր մակարդակի վրա:

Գյուղապետարանի նախաձեռնությամբ կազմակերպվել է տարբեր միջոցառումներ՝ հունիսի 1-ի՝ երեխաների պաշտպանության օրվա կապակցությամբ կազմակերպվեց միջոցառում և համայնքի երեխաներին տրվեց նվերներ:

Կազմակերպվել է նաև միջոցառում՝ ՀՀ բանակի օրվա, մարտի 8-ի, հ/պ հաղթանակի և Շուշիի ազատագրման, Հայաստանի Հանրապետության տոնի կապակցությամբ՝ համայնքի թոշակառուների և երիտասարդների, ինչպես նաև գյուղապետարանի և ֆեդերալ կառույցի աշխատողների համար:

Ձեռնված ազատամարտիկների հուշարձանին և գերեզմանին դրվել է ծաղկեփնջեր և ծաղկեպսակներ:

Գյուղապետարանի ուշադրության կենտրոնում է նաև երաժշտական դպրոցը: Մշակույթի տան հետ համատեղ կազմակերպվել է միջոցառումներ, տրվել է հաշվետու համերգ, շրջանավարտներին տրվել է նվերներ:

Վթարային վիճակում է գտնվում մանկապարտեզի շենքը՝ շուրջ 14 տարուց ավել է այն չի գործում, որը և բացասաբար է անդրադառնում մատաղ սերնդի դաստիարակման գործում: Շենքի վերանորոգման համար պահանջվում է մեծ ֆինանսական միջոցներ, որը գյուղապետարանը այսօրվա վիճակում հնարավորություն չունի ներդնելու: Բազմաթիվ անգամ որպես համայնքի կարևորագույն հիմնանդիր հարց ենք բարձրացրել այն վերանորոգելու համար, սակայն ապարդյուն:

Վթարային վիճակում է նաև մշակույթի տան տանիքը, 2-րդ և 3-րդ հարկերը (շենքը կառուցվել է 1960-ական թվականներին): Չնայած այս վիճակին, կանոնավոր կերպով գործում է մշակույթի տունը, ունենք պարի խմբակ: Հաճախակի կազմակերպվում է միջոցառումներ:

Մշակույթի տանը տեղավորված է նաև գրադարանը, որը վերանորոգված և կահավորված է, ունի 8019 կտոր գրականություն: Գրադարանը մշակույթի հետ համատեղ կազմակերպել է տարբեր բնույթի միջոցառումներ, գրական ցերեկույթներ:

Մեծ ուշադրություն է դարձվում թոշակառուներին և երիտասարդության հետ տարվող աշխատանքներին՝ նրանց հանգիստը նորմալ կազմակերպելու նպատակով: Գործում է խաղաղասենյակ, որտեղ կազմակերպվում է տարբեր բնույթի խաղեր:

Ուշադրության կենտրոնում է գտնվում սպորտի զարգացումը: Անցկացվեց թենիսի մրցաշար, հաղթողին տրվեց դրամական պարգև:

Գյուղապետի ամենօրյա ուշադրության կենտրոնում է նաև առողջապահության ոլորտը: Աջակցում է սանիտարահիգիենիկ վիճակի բարելավմանը, հակահամաճարակային միջոցառումների իրականացմանը: Վերահսկվում է առողջապահական հիմնարկի աշխատանքները: Համայնքի բնակչության բուժ. սպասարկումը գտնվում է բարձր մակարդակի վրա:

Համայնքում գործում է «ԽՆամակալության և հոգաբարձության» հանձնաժողով, որի հիմնական խնդիրը թափառաշրջիկ, իրավախախտ, անօթևան երեխաների հայտնաբերումն ու դաստիարակելն է: Ի ուրախություն մեզ համայնքում նման երեխաներ չկան:



ՈՒշադրության կենտրոնում է գտնվում գոհված ազատամարտիկների և սոցիալապես պնապահով ընտանիքները, որոնց տրվում է ֆինանսական օգնություն: 1-ի կիսամյակի ընթացքում համայնքի շուրջ 23 սոցիալապես անապահով ընտանիքների տրվել է դրամական օգնություն 800.0 հազ. դրամի չափով:

Համայնքի 3-րդ երեխա ունեցող 3 մայրերի որպես խրախուսում՝ տալ դրամական պարգև:

Համայնքում հաշվառված են ընդամենը՝ 252 թոշակառուներ, այդ թվում՝ 193-ը ծերության և աշխատանքային, 7-ը՝ կերակրողը կորցնողի, 52-ը՝ հաշմանդամության: Նպաստառու ընտանիքների թիվը կազմում է 34: Թոշակները և նպաստները տրվում են ժամանակին:

Համայնքի շուրջ 30 բաժանորդներ օգտվում են թվային հեռախոսակապից, կապը շատ անորակ է և չի արդարացնում, այդ իսկ պատճառով բաժանորդները հրաժարվեցին հեռախոսակապից:

Համայնքում բարձր է պատասխանատվությունը գորակոչի նկատմամբ: Ձորակոչից խուսափողներ չկան:

Համայնքի տնտեսությունների թիվը՝ 887, բնակչության թիվը՝ 2872 մարդ, գյուղատնտեսության մեջ զբաղված են՝ 1700 մարդ:

1-ին կիսամյակի ընթացքում համայնքում ծնվել են 23 երեխա, որից՝ 9 տղա, 14 աղջիկ, մահացածների թիվը՝ 11, որից կին՝ 6, տղամարդ՝ 5:

### ՖԻՆԱՆՍԱԿԱՆ ԲՆԱԳՎԱՍԻ

2011թ. 1-ի կիսամյակում հավաքագրվել է եկամուտներ՝

N	անվանումը	այլան	հազ. դրամ	
			փաստացի	կատարողական
1.	հողի հարկ	2747.7	618.1	22.5
2.	գույքահարկ	1375.0	602.4	43.8
3.	տեղական տուրքեր	246.0	168.4	68.4
4.	տեղական վճար	24.0	18.8	78.3
5.	ոչ հարկային եկամուտներ	2520.0	616.6	24.5
6.	հողերի վարձավճար	1110.0	-	-
	ընդամենը սեփական եկամուտներ	8022.7	2024.3	25.2
7.	այլ եկամուտներ			
8.	պետ. բյուջեից տրամադրվող դոտացիա	14807.3	14807.3	100.0
9.	անասնաբուծի աշխատավարձ	-	-	-
	ընդամենը վարչական բյուջե	22830.0	16831.6	73.7
10.	եկամուտներ կապիտալի գործառնությունից հողի օտարում	-	-	-
	Ընդամենը	22830.0	16831.6	73.7

10



2011թ. 1-ին կիսամյակում կատարվել է ծախսեր հետևյալ ուղղություններով՝

N	ծախսերի անվանումը	այլան	հազ. դրամ	
			փաստացի	կատարողական
1.	տեղական ինքնակառավարում	12571.3	9939.0	79.0
2.	համայնքային այլ ծառայություններ	2343.2	1364.5	58.2
3.	աղբահանություն	764.1	661.7	86.5
4.	մշակույթ	666.8	661.3	99.2
5.	այլ մշակութային կազմակերպ.	1650.0	1150.0	69.7
6.	սոցիալ-անապ. ընտանիք. օգնություն	1950.0	850.0	43.5
7.	գրադարան	385.4	365.2	94.7
8.	պահուստային ֆոնդ	-	-	-
9.	անսնարուժի աշխատավարձ	300.0	-	-
10.	կրթություն և գիտություն	200.0	100.0	50.0
11.	այլ ծախսեր	70.0	56.6	80.8
12.	ջրամատակարարում	2300.0	1385.3	60.2
13.	սպորտ	470.0	50.0	10.6
14.	մանկապարտեզ	100.0	-	-
	ընդամենը վարչական	23770.8	16583.6	69.7
	Ֆոնդային բյուջե	2050.0	1796.0	87.6
15.	ջրամատակարարում	2000.0	1775.0	88.7
16.	գրադարան	50.0	21.0	42.0

Համայնքի ղեկավարի կողմից արձակվել է 15 կարգադրություն, ընդունվել է 19 որոշում:  
 Համայնքի ղեկավարի աշխատակազմի քարտուղարի կողմից արձակվել է 5 հրաման:  
 Քաղաքացիների առաջարկությունների, դիմումների և բողոքների քննարկման կարգի մասին»  
 ՀՀ օրենքի 7-րդ հոդվածի պահանջի համաձայն, Արևիկի գյուղապետարանում 2011թ. 1-ին կիսամյակում ստացվել է 79 դիմում, այդ թվում՝ 1 դիմում աշխատակազմի քարտուղարին, 19 դիմում՝ ավագանիներին:

Դիմումներում բարձրացվել են սոցիալական, ֆինանսական, հողային, շինարարության և այլ բնույթի հարցեր, որոնք սահմանված կարգով քննարկվել են և տրվել պատշաճ լուծումներ:

Ընթացիկ ժամանակահատվածում գյուղապետարանում ստացվել է 94 գրություն, հղվել է 115 պաշտոնական գրություն: Քաղաքացիներին տրվել է 474 տեղեկանքներ:

2011թ. 1-ի կիսամյակի ընթացքում գյուղապետարանի և իր ենթակայության տակ գտնվող հիմնարկների աշխատակիցների թվաքանակը կազմում է 21 մարդ, որից՝ 1-ը ընտրովի՝ համայնքի ղեկավար, 6-ը համայնքային ծառայողներ, 6-ը՝ հայեցողական պաշտոններ և տեխնիկական աշխատողներ, 3-ը՝ ակումբ գրադարանի, 3-ը՝ կոմունալի, 2-ը՝ խմելաջրի սպասարկման և շահագործման նպատակով աշխատողներ:

2011թ. 1-ի կիսամյակում աշխատավարձի և սոց. վճարումների պարտքեր չկան:

2011թ. 1-ի կիսամյակում համայնքի ավագանին գումարել է 4 հերթական և արտահերթ նիստ, որտեղ քննարկվել են համայնքի խնդիրներին վերաբերվող տարբեր բնույթի հարցեր և կայացվել որոշումներ:

Համայնքի ղեկավարի 2011թ. 1-ի կիսամյակի կատարած աշխատանքները գնահատվեց թավարար:

Արևիկ համայնքի ղեկավար  Կ. Պետրոսյան



ՀԱՄԱՅՆՔԻ ՀԻՄՆԱԽՆԴԻՐՆԵՐԸ

Չնայած, համայնքի բյուջեով նախատեսված է սոցիալ-տնտեսական զարգացման և որոշ ուղղություններով իրականացված միջոցառումներ, սակայն կան հիմնախնդիրներ, որոնց լուծումը հնարավոր չէ իրականացնել միայն համայնքի բյուջեի միջոցներով:

ԱՌԱՋՆԱՅԻՆ ԵՎ ՀԱՄԱՅՆՔԻ ՀԱՍԱՐ ԳԼԽԱՎՈՐ  
ԽՆԴԻՐՆԵՐԻՑ Է՝

1. Մանկապարտեզի շենքի հիմնական նորոգում (շենքը գտնվում է վթարային վիճակում):
2. Մշակույթի տան հիմնական վերանորոգում (տանհիքը, 2-րդ և 3-րդ հարկերը):
3. Գազաֆիկացման աշխատանքները ավարտին հասցնելու համար որոշակի ֆինանսավորում:
4. Ճանապարհների ասֆալտապատում (Արևիկ - Մրգաշատ հատվածը՝ անանցանելի է):
5. Խմելաջրի ջրագծերի վերանորոգում (անցկացվել է դեռևս 60-ական թվականներին), և մոտ 7կմ նոր ջրագծի անցկացում (նոր բնակեցված թաղամասերում):
6. Դպրոցի ներսի կոսմետիկ վերանորոգում:
7. Խմելաջրի մեկ խորքային հորի հորատում և գործարկում՝ նորակառույց թաղամասում:
8. Ոռոգման ներտնտեսային ցանցերի վերանորոգում և նոր կիսախողովակների անցկացում, որի արդյունքում կկրճատվի ջրի կորուստները:

Արևիկ համայնքի ղեկավար

Կ. Պետրոսյան

